

Historia eta Ixtorioak

HISTORIA irakurten hasi garen guztietan bethiere ageri zaiku, bethiere sentitu dugu egita contatzen zeraukutela, egia pollit bat casu gehienetan, odolez eta malkhoz osoturiko egia latz bilhakatzan dena noiz-ere amiñi bat sakontzen bait dugu.

Irabazleen historia da histori bakharra, galtzaileenak ixtorioak baizik ez bait dira.

Euskaldunon historia' laburra da, euskaldunak berak ere bethi izan bait dirateke luze egitateetan, bainan labur hitzetan. Hala deraukute erraiten, bederen, historigileek, irabazleen historia contatzen duten horiek al'egia.

Ba dirudi, beraz, ezen euskaldunetan historizaleek lekhurik ez dutela. Bethi galtzaile izan othe gara? Ez hal dugu deus contatzekorik?

Geure historia redactatu ahal izaiteko' onak nortzu garen eta tzarrak zeintzu diren jakin behar genuke. Nahi ta nahi ez, histori guztietan bethi agertzen dira onak alde batetik eta gaiztoak bertzaldetik, geu eta geutarak, eta hek eta heien alde direnak.

Non bertzeak hamaitzen bait dira, han gara gu hasten.

Nora bertzeak heltzen diren, handik gara geu desagertzen.

Nondik geuk alde egiteko gogorik erakhuts ez bait dezagu, hara ez dira hek laphurtzera sarthuko.

Factu edo egitate lazgarrien gainean histori ederrak eraikiten ahal dira, hilherrien gainera lili ederrak hasten diren bezala.

Tristeia da bai, bihotza goibeltzerainoan, hola izana, bainan izanaren gainean izaitekoa da loratzen.

Etsairik ez den lekhuan sosegurik ez da

aurkhitzen. Hala zaizkigu beharrezko etsaiak, nola maithagarri lagun minenak: zer contaturik eduki dezagun... izan ahal gaitezentzat.

Geuk errana' historia izanen da, heiek erranak' ixtorioak, kontuak, iphuinak eta.

Guztiarekin ere, historia aintzinerat dioa, denbora Aintzinerat avanzatzen

dezatentzat zein haundi izan ginen, noraino heltzeko eta nolako ikhas dezatentzat zein haundi izan ginen, noraino heltzeko eta nolako balentriak egiteko gai izan ginen.

Haurrak' nagusitu ahala, histori horren galdi gainerat igaiten dira, egiazko histori-egile bilhakatzaz.

Egunen batez, oraiko historia iratz dezatenen, agertuko hal gara, bada, euskaldunak? Ala galtzaile gerthaturik-eta berriz nonbait izkutaturik egonen garade-a?

Zer bedi hala gertha! Irabazle atheraiak izanen gara, garhailariak gerthaturik gara, baldin ikhasi ba dagigu ezen historia' zorigaitzez, odolez irazten dela nonnahi eta noiznahi.

Merkhatua den bizitza huntan ez da nehoiz nehon deus opharitzat emaiten, bainan eskuetarik garrazki khentzen da.

«Negarrez dathorrenari tipula begian» maximaren azpian bizi gara. Zenbatez golphe gehiago hartzen bait dut zureganik, hainbatez maithatzenago zaitut, Jo nagizu musu dizudangatik!

Historiaren negarrak ez dira secular ikhusten, joan-kizun ixilean galtzen dira eta galtzenago ari.


Bainan... ilhunpean ostean, bethorku osteria ethorkizunean gidatzeko argi-bizimailea! zeren bakhea nahi bait dugu, tximeleten hegaltada egunbethekoak nahi ditugu ikhusi, zelhaiak loratzen, haur ttipi jaioberraren begi oro-ikhasigura hoik ez ditezentzat lainhoz estal, mundu berria dezagun

molda, libertatezko mundu berri' desirazkoa!

JOSU LAVIN

JAKINTZA BAITHAKOA

BERRIAK ZIRI



JORDI PUJOL
Kataluniako Generalitateko lehendakaria
LA VANGUARDIA
1991-VIII-5

«Estatutua, egun aplikatu bezala, ez da nahikoa gure nortasunaren defentsarako, eta beraz, premiazkoa da Estatutuaren irakurketa berria egitea»



XABIER OLABERRI
EEko Exekutibako kidea
EL MUNDO
1991-VIII-5

«EEn gatazka ez zen sortu klanen gerragatik, eta ez da proiektu politikoko arazoa»



JUAN GOYTISOLO
Espainiako idazlea
EGIN
1991-VIII-5

«Europar historian ezagutu den garairik barbaroenetakoan gaude»



MUAMMAR EL GADDAFI
Libiako lehendakaria
EL PAIS
1991-VIII-5

«Erakutsitako erantzukizunik ezagatik, Estatu Batuak izan beharko litzateke desarmatu beharreko lehen herria»

ZAKILIXUT

© Olariagak



Jose Angel Cuerda Gasteizko alkatea ez da jadanik «gutxien kobratzen duen alkatea», ezta zinegotziak ere. Atzo Gasteizko udalbatzak soldatak igotzea erabaki zuen, batez ere alkate, alkateordea eta zinegotzi delegatuena. Cuerdak urtero bi milioi pezeta gehiago kobratuko ditu aurrerantzean.

